



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 49. Quæ Roberto Arbrisellensi objiciebantur.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. critate, quam si ad jucundum convivium
 A.C. 1106. irent, instituerunt. Multo solemnius
 Fideles ad bellum Sacrum suscipiendum
 hortatus est Legatus Papæ Bruno Segnia-
Chron. Mall. censis, in Concilio vigesima sexta Maji,
an. 1106. eodem anno millesimo centesimo sexto,
to. 10. Conc. Pictavii, Bœmundo præsentem, celebrato.
p. 746. In eodem variæ etiam causæ ad Ecclesias
 pertinentes petraçtata.

§. XLIX.

*Quæ Roberto Arbrifellensi objicie-
 bantur.*

Eodem anno & in eadem Diocesi Pi-
 ctaviensi celebre Monasterium Fon-
 tis * Eberhardi fundatum. Robertum
 Arbrifellensem Prædicationis muneri, ut
 ante annos decem ab Urbano II. Papa
 * Fonte-
 vreand.
 c. 3.
ap. Boll. 25. jussus fuerat, gnaviter incumbentem
Feb. tom. 5. non exigui hominum utriusque sexus
p. 606. greges sequebantur, nullum enim, quem
 a Deo vocatum putabat, repellere aude-
 bat. Ex quo Monasterium Rotense reli-
 querat, nullibi sedem figere voluerat,
 quo liberius ubique ad populos verba
 facere liceret; sed cum multitudinem
 Discipulorum suorum in dies augeri cer-
 neret, & in continua profectioe saepe
 necessitate compellente fieri, ut mulie-
 res in eodem hospicio inter viros perno-
 ctarent, locum quærere cœpit, ubi ser-
 vato modestiæ decore domicilium sta-
 bile

Sup. lib.
LXIV. §.
 33.

bile haberent. Forte etiam hunc ani- Sæcul. XII.
 mum Roberto iniecit sinistra fama, quæ A.C. 1106.
 de ipsius inusitata vivendi ratione spar-
 gebatur.

Istud conjiciendi causam præbent duæ Lib. 4. ep. 47.
 epistolæ ab amicis ad Robertum datæ.
 Primam scripsit Geofridus Abbas Vindo-
 cinensis, in qua ejus imprudentiam casti-
 gat ob nimiam cum mulieribus ipsius di-
 sciplinæ subjectis familiaritatem. *Ser-
 mones de te seruntur, inquit, te sæpe extra
 virorum conspectum feminis colloqui &
 noctu inter illas somnum capere non vere-
 cunderis, ut propiore periculo clariorem
 de carnis concupiscentia victoriam repor-
 tes. Nescio, an facias; sed scito, novum
 id esse & inutile Martyrii genus. Nun-
 quam propriæ virtuti usque adeo fidas, ut
 credas te cadere non posse, nisi caute ince-
 das. Ita Geofridus ad Robertum. Ve-
 rumtamen dubitare non licet, quin Rober-
 tus ejusque Discipuli, Monachorum more,
 ut evant per diem, vestiti noctu dormie-
 rint.*

Altera epistola est cujusdam Episco-
 pi, quem Marbodum Rhedonensem esse
 credunt. Ipse quoque in exordio Ro-
 bertum nimix familiaritatis cum feminis
 arguit, sed quamnam hujus rei occasio
 fuerit, clarius indicat, his verbis: *Marb. ep. 6.
 Notem inter feminas & discipulos tuos trans-
 igere diceris, ut tam feminis quam viris*

Sæcul. XII.
A. C. 1106

prescribis, quando vigilandum, quando dormiendum sit. Nempe aliquam noctis partem orationi dabant. Tum subiungit epistolæ auctor; complures illarum mulierum in Nosocomiis & Hospitiis esse dispersas ad serviendum pauperibus & peregrinis, ex quo virorum mulierumque contubernio scandalorum occasio nata esset. Alterum, quod Marbodus Roberto exprobrat, est corporis habitus a communi aliorum consuetudine abhorrens, nempe, barba promissa, nudi pedes, vestis obsoleta & lacerata, quæ nec Canonicorum Institutum, quod profitebatur, nec Sacerdotium, quo initiatus erat, decerent. *Ista vestimenti sordities, inquit, non tantam tibi apud simplices auctoritatem, quantam stultitiæ opinionem apud viros prudentes conciliat.* Item reprehendit, quod contra Presbyteros & Præpositos Ecclesiasticos declamaret, efficeretque, ut complures Parochi a gregibus suis desererentur. Damnat facilitatem, qua Robertus, cunctos qui ipso perorante converti videbantur, recipiebat, & statim ad Professionem admittebat. Tandem in tota epistola monet, magnum zelum discretionem & prudentiam temperandum esse.

§. L.